




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. C.6.19 (a)





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. C.6.19 (a)



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. C.6.19 [a]



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. C.6.19 (a)

ORATIO BARTHOLOMEI SCALE PRO IMPE
Ratoriis militariis signis Dandis Constantio, Sfortie
Imperatori

n On debet opinor uideri ab re cuiquam Florentini: si titubauerit
 initio dicendi animus: et tamen orandi fortunam confidentius
 subierim: Que uestra benignitas est: Que est uestra sapientia.
 Quorum quidem altera facit: ut minus ueniam ad dicendum trepidus
 Solitam. n. mihi in me facilitatem uestram: clementiæque quandā ad
 mirabilem ac prope diuinam: qua uti in omnes consuefisti: facile pol
 licetur benignitas. Sapientia uero dehortatur propemodum ac deter
 ret. Quis enim tam firmo: tam constanti esse animo potest: qui
 non commoueat: Cum apud doctissimos uiros: rerū ulū doctrina/
 auctoritateque adeo prestantes: tanta de re se esse uerba facturum intel
 ligat? Nam quid est tandem: quod maius in se habere pondus possit
 quā que de imperatore et duce militie: deque eius deligendi uariis ra
 tionibus habetur oratio? Fateor cum in me unū ora oculosque omni
 um uestrum conuersa esse uideo: ut ipse multo indoctior incultiorque
 audiendus sum: Qui uero et bonarum artium studiis: et dicēdi atque
 eloquendi copia magis excellent: qui per multi adstant: quorum ego
 auctoritate in otio in negotio: in publicis quoque et priuatis consili
 is obseruare plane atque admirari soleo: ad me hodie audiendū conue
 nerint: Atque ex hoc amplissimo loco: Vnde nihil unquā nisi expoli
 tum / graue / sanctū proficisci consueuerit: non possum non deside
 rare aliam sortem: et liberiores aliquam uite mee mihi deponere cō
 ditionē. Non enim is sum: cui reluctari imperio conueniat: cuique
 liceat quicquā magistratus dicto non esse statim audientem. Ut intelli
 gat: si forte quisquam in hoc celeberrimo atque ornatissimo auditorum
 cetū inuentus fuerit: qui seu liuore inuidie honoris huius: seu maledi
 cēdi studio alter putauerit: non ultro suscepisse me id muneris: Sed
 demandatam mihi a magistratu prouinciam laboriosam licet admodum
 periculosaque iussu recepisse. Sed uos certe scio ut soletis: omni
 bus de rebus rectissime iudicabitis. Ipse rem aggrediar: Atque eo qui
 de ordine: ut de deliberandi prius rationibus aliqua a me breuissime
 dicantur: quam ad reliquis orationis nostre partes descendamus.
 Condicio grauis est profecto et plena discriminis totius Italie Florenti
 ni: que fato quodam suo ut mihi uideri solet: quæta esse unquam non
 didicerit. Si desit foris Barbarus externus hostis: querunt domi.
 Ac fuit quondam tempus: cum in Affrica/ in Hispania/ in Gallia / in
 Grecia in Asia ad Thaurum etiam et Caucasum arma nostra conspice

rentur. Nunc forte mala italie: Quod sine lachrimis uix possum com-
 memorare: nimis hæc in contrarium res uertit fortuna: Atque aut
 nos inter nos quis potissimum imperet obstinatissime decernimus: Aut
 quod multo est miserabilius experiri uires in solo patrio in italici celi
 amenitate contra externos impetus iniuriasque compellimur. Debu-
 rant uero satis superque preterita nos transacta mala monuisse. Nam
 cum uenit Gothorum in mentem: atque Attilæ qui Bledæ primum do-
 mi interfecto fratre in hanc regauit solus: ac post Gothos affluxit
 miserandis cladibus italiam. Cum uenit Vandalorum: et Genserice
 crudelitatis. Tum Toralingorum Herulorumque temporis: et Odo-
 acris rapine. Cum Theodonici turpissime prodicionis: qua rursus Go-
 this uastandam diripiendamque tradidit hanc terram: Et Athalarici /
 Alarici / Theodasti / Vitigis / Aldeabii / Erarici / Totile tandem:
 quem etiam ab ingeniam scitiam atque immanitatem flagellum dei
 uocitauerunt recorder. At demum supra ducentos annos Longobar-
 dorum impotentissimi dominatus. Cum inquam subit memoria te-
 pestatis illius / illiusque miserabilis deflendeque ruine: ac tot annorum
 tot temporum calamitates: quibus hæc patria uictricis quondam omni-
 um gentium barbarorum oppressa furore uastata, diruta, subuersaque
 funditus contabuit: mirari satis non possum Vnde sine tot tanteque
 et tam crebre animorum mutationes: ac tanto cum rerum omnium
 periculo tanta rerum omnium inconstancia et leuitas. Que quidem
 res facile patres admonuerunt: Ut non diutius imparati sine ductan-
 di / sine ordine aliquo militandi remque defendendi publicam publi-
 cumque orium et tranquillitatem conseruandi degeretis. Itaque ad
 Constantium Pifaurensem principem ex sfortiadarum clarissima fami-
 lia: de quo paulo post dicemus: intenderunt animos: Et ducem mi-
 litandi uestrum constituerunt. De necessitate igitur habendi impera-
 toris primum. De imperatore ipso deinde. Postremo de utilitate
 deliberationis huius: deque imperatoriis insignibus erit dicendum.
 Et necessitas quidem Eadem que a principio palatos ex agris homi-
 nes coegit in unum locum: Ciuitatesque constituit: Arma quoque
 ad externam propulsandam: atque arcendam uim excogitauit. Quid
 effecissent tandem illi quidem Si congregati leges tantum / quibus
 inter se commode uiuerent / sanxissent: Atque eas custodirent: qui
 que ubi opus foret: otii turbatoribus obstitere: remque eorum pu-
 blicam uiribus atque armis tuerentur: Neglexerint. Quod ut ratio-
 ne manifestum est: Ita eorum quoque qui de rebus publicis precepta
 tradiderunt: doctissimo testimonio comprobatur. Tria enim genera

Quibus constarent urbes posuit Hippodamus apud Aristotelem :
 Eorum unum qui agros colerent : ad alimenta subministranda ciui-
 bus . Alterum opificum ad varias vite humane comoditates .
 Tertium eorum qui arma ferrent contra iniurias : et belli propul-
 satores . qui hoc continerentur genere appellauit . Quos quidem
 Plato qui et ipse predaros illos de re p. conscripsit libros : uocat ci-
 stodes : Quod idem ualeat . Aristoteles autem sex indigere rebus ci-
 uitates : ut absolute essent ac perfecte censuit . Alimentis . opifi-
 cibus . armis . pecuniis . sacris . iudiciis . Quo etiam in genere Se-
 natores et patres collocauit . Partes autem ciuitatis constituit du-
 as / senatorum et militum . Ceteram turbam et si necessariam ut
 omni ex parte sit absoluta ciuitas : tamen a ciuium ea numero se-
 gregauit : Quod et uero simile uidetur . Attentius enim de re p.
 cogitanti / illa in primis occurrit diuisio : ut sint qui domi : sint
 qui foris publice utilitati ac dignitati consulant . Qui id domi
 et consultando et deliberando faciunt : patres . Qui foris bellando
 et tractando arma : milites merito antiqua appellatione uocabuntur
 Ceteram uero multitudinem ut edificia ut agri ad sufficientiam
 esse necessariam ciuitatis duntaxat : ciuium uero dignatione mini-
 me contineri . Sed nunquid opus erit in re p. armis : Imperato-
 re uero et dace qui ea administret / cuiusque ductu atque auspiciis
 bella gerantur : non indigebunt arma ? Imo uero si qua in rebus hu-
 manis ars est : si quod studium : si quod ministerium : Si qua
 res tandem ex omnibus que principe : et gubernatore egeat : Ea
 profecto disciplina militaris est . Neque inueniri potest in quo
 maiori cum periculo omnium rerum aberrari queat . Verum nau-
 gatoria tandem gubernatore / Domestica patre familias / Armen-
 taria pastore / Gymnastica magistro regetur : Rex autem et disci-
 plina militaris qui omnes totius ciuitatis fortune continentur : si-
 ne rectore erit ? Presertim si grues in uolatu principem : Si apes
 sibi regem cui pauent : quem sequantur constituunt : Atque ima-
 ginem ut mihi quidem uidentur et similitudinem nobis prebent
 quandam rei publice gubernande . Atque his quidem iam que di-
 ximus : satis est ut arbitror patefactum : Partem esse aliquam ciui-
 tatis : et ciuium : Alteram militarem : Neque milites sine certo pre-
 ceptore ac principe recte constare : ut non modo iam arma in rebus
 temperandis publicis necessaria sint : Verum sine eo quoque qui
 ea tractet : prelitque : atque imperet his qui induerint in utilia fuisse
 et atque esse quam plurimum : et multa et magna persepe attulisse

detrimenta ciuitatibus . Exemplorum autem sunt plena omnia .
Verum fas esse haud ququam putauerim ; quicquam hodie a me
nisi letum iocundumque proferri . Itaque de imperatore his pre
termisissis ; de quo mihi secundo dicere loco proposueram iam exor
diar . Quiquidem locus et si suapte solet natura cum decore etiam
splendorem asserre orationi atque ubertatem ; Tamen eius ipsius
de quo res est conspectus admonet modestie excellenti quadam su
a singularique modestia . Multa tamen esse arbitror ; que in eo
qui sit bello administrando prefuturus ; requirantur . Que . M .
Tullius in oratione quam pro . G . N . Pompeio de deligendo impera
tore habuit ; quattuor in capita eleganter distribuit : In scientiam
scilicet rei militaris in uirtutem auctoritatem felicitatem . Ono
xander autem qui ad Varianum de perfecto imperatore grece scrip
sit ; et felicitatem preterit ; et quedam addidit ; que tum neces
saria sunt ut idoneus esse imperator quis possit ; tum expectabilia
ut omnium sit rerum ; que ad eum quoquo modo pertinere possint
quatinus ex parte omnibus ut aiunt numeris quam cumulatis
mus . Inter ea que adesse oportet ; dicendi quoque facultatem
uir ille doctissimus connumerare uisus est . Et recte quidem mea
sententia . Quo enim pacto consilia explicabit sua ? Quomodo ad
hortabitur / inflamabit in pericula in mortem aget milites ; quod
fieri quandoque necesse est ; qui elinguis / qui rudis / qui ineptus
erit ? Magna uis est mihi credite compecteque atque erudite o
rationis . Solent cum est cum hostibus cogrediendum pro consue
tudine sua quique musicis uariis concentibus et clamoribus excita
re animos eorum qui inituri sunt prelium ; atque incendere uirtu
tem . Sed profecto Nulle uoces / Nulli cantus / tantam habere
in sese uim ad stimulos ardoremque animis inticiendum possunt ;
quantum docti imperatoris eloquentisque concinna accomodata
que oratio . Que si mouere lapides ; quod de Amphione ad the
bas poete tradiderunt . Si ut de Orpheo siluasque ; et feras de
mulcere potest ; Multo quod habeat uim maiorem in nostris
mentibus est uero maxime consentaneum . Felicitatem autem
ideo preteritam arbitror silentio ; quod eam prestare humana con
ditio nulla potest ; si de ea intelligamus felicitate ; que a fortuna
dependet ; non que a uirtutibus . Quauis de fortuna quoque
alii senserunt aliter . Sunt enim qui illi omnia tribuant ; Sunt
qui nihil . Qui habere uires in rebus nostris putant ; in deorum
quicquid ea tandem sit ; referunt potestatem . At qui negant ;

rerum omnium humanarum regiam faciunt prudentiam : aufe-
runt fortunam : qua uti sapiens nescio quis poeta ait apud Marcum
Tullium Suis quisque fungitur moribus . Nos si quis opinionem
in ea re nostram quoque sere desiderat . Neque concedenda fortu-
ne omnia : Neque tollendam penitus eam esse erebus humanis ar-
bitramur . Est enim certa quatenus progrediatur prudentia .
Et multa sepe addunt : que nullo humano ingenio provideri . nul-
la industria . nulla uirtute superari queant . Ut si quis ultra pru-
dentia humane fines fortune locum esse dixerit : minus ab uero
longe forsitan aberrauerit . Quedam igitur esse uidentur : sine
quibus esse imperator nullo modo : Quedam uero sine quibus ef-
se omnino perfectus consumatusque non potest . Nisi enim callu-
erit militandi artem : eiusque scientiam animo et cogitatione com-
prehenderit : Nisi sit his praeditus uirtutibus Consilio scilicet /
Fortitudine / Continentia / Fide / Grauitate / Facilitate / Mode-
stia : atque huiusmodi quibus in militari exercitum obseruantia
contineat . Nisi tantum insit auctoritatis : ut habeat imperio ob-
sequentes suos : Nisi tandem explicare comode dicendo que in
rem sint uisa possit : Et dare animos uirtutemque in prelium in
mortemque euntibus : Ab fortuna potius ab fortuna : aut ab ho-
stium ignauia : quam ab imperatore et milite speranda uictoria
est . Ac quemadmodum quidem sunt que supra dixi in impera-
tore necessaria : Ita principatus generis nobilitas / integra etas :
et huiusmodi nonnulla que curiosissime persequitur Onoxander :
Etsi non sunt necessaria illa quidem : Adornare tamen uehemen-
ter si adsunt debent : Atque illustrare imperatoriam dignitatem .
Quem quidem ego cum legi de perfecto imperatore accuratissime
disputantem : habuisse mihi uidetur pre oculis **CONSTANTI**
VM hunc nostrum **SFORTIAM** : eiusque ipsius eximias singu-
laresque animi dotes : excellentemque uirtutem perpouisse : Un-
de precepta exprexit : que de perfecto belli administratore : et
duce litteris ac posteritati commendauerit . Nihil enim ille ex
cogitare precipiendo potuit : quod in nouo milite nostro duce :
non facile inuenias : Quodque re ipsa et factis non possit presta-
re . Iam enim scientia rei militaris / ut aliquando tandem de ipso
breuiter aliqua modestaque attingamus : ut sit quam excellentissi-
ma oportet . Natus est enim ut ita dixerim armis . In armis
enuitatus atque altus est . Armorum omni etate perpetuum ue-
hementissimumque studium fuit . Nihil postremo in omni uita

tantopere : quanto tractare arma : et gerere : atque administrare
 bella procurauit . Militauit admodum puer sub Alexandro primū
 patre ingentis animi duce in Apulia in clarissimo illo durissimo
 que bello : quod cum Ferdinando Neapolitanorum gloriosissimo
 rege ab Andegauensibus Gallis : et Iacobo piccinino nobilissimo
 belli magistro gestum est . Presuit deinde aliquot turmis in Fla
 minia : Et in Ricardinis campis in illa memorabili pugna maxi
 me eius uirtus enituit . Predara quoque stipendia fecit quod om
 nes nouistis cum PAVLO secundo pontifice Romano : Aliis
 que pontificibus pontificius uicarius : et celebre inde nomen :
 Atque insignem et immortalem gloriam reportauit . Paulo de
 mum ante gubernator nostris prefectus copiis : non ne ita fata
 lem illam ad Imperialem montem accepit cladem : quod inuitus
 recorder : Vt docuerit etiam uincti non sine dedecore modo :
 Sed summa etiam cum commendatione et laude posse . Omnia
 enim quecunque contigerunt : preuiderat : premonuerat : mul
 to ante rem predixerat : predamauerat . In re autem . Quando
 quidem inquit Ita fata adigunt : Certum faciamus fortunam de
 fuisse CONSTANTIO non uirtutem . Militum fidem atque
 animos gubernatori . Non gubernatorem militibus . Ita citato
 equo armatus ad signa : et ubi laborabatur magis eo prouolans
 Intrepidus afferebat opem . Sed deseritur dicto celerius a suis
 Et totis ubique castris effusissima fuga trepidatur . Itaque equo
 etiam quo fortissime pugnabat amisso : non quidem fugatus :
 Sed plane desertus a suis omnium postremus discessit ex acie .
 Atque ita discessit : Vt aliquem etiam ducem ex hostium primis
 ducibus captiuum adduxerit . Militaria certe signa ne in potesta
 tem uenirent hostium egregie pugnando effecit . Auctoritati
 uero quam ipse sibi hisque supradixi artibus comparauit maxi
 mam principatus quoque accedit . Qui et ipse per se si recte /
 Si prudenter / Si continenter / Si grauer / Si modeste ut facit
 geratur : plurimum afferre dignitatis atque auctoritatis solet :
 Iam uero omni uirtutum genere ita clarus est : ut orationis
 nostre : aut cuiusquam testimonio non indigeat . In quo qui
 dem non modo excellat consilium et prudentia singularis : Ve
 rum etiam admirabilis quedam in ratiocinando et uero inuenien
 do celeritas . In agendo autem et conficiendo industria ac diligen
 tia prope incredibilis . Nam de fide / Continentia / Facilitate :
 atque humanitate : que solent uirtutem in principe elucere pluri

mum : Vt multa iam dicantur : haud est necesse : Earum enim
 sunt locupletissimi testes non ueterrani modo paterni milites qui
 eusum ab ineunte etate puer primum / adultior deinde / grandi
 or tandem ita uersatus est : Vt in quaque etate bene uiuendi cete
 ris exemplo esse posse facile uideatur : Sed populi quoque qui
 ab eo reguntur multi documento esse manifestissimo possunt : a
 quibus quidem non arguitur dominus : Sed amatur . Non ti
 metur : Sed colitur : Vt addita eloquendi excellentia et litteris
 idest bonarum omnium artium : qua plurimum pollet : discipuli
 na : Nihil iam deesse omnino possit earum rerum quattuor :
 quas in imperatore quocunque esse oportere supradiximus .
 Nam quid de etate si ea quoque quicquam facit ad rem ? Cuius
 in flore esse uidetis . Quid de corporis . Quid de fortune como
 dis plura dixerim : que cuncta uos in eo excellere clarissime cogno
 scitis . Genus autem est cuiusmodi : ut admirari potius :
 et colere iam cogantur homines eius gloriam : Quam quod ad
 nobilitatem Sfortiadarum familie : atque amplitudinem aliquo
 modo pertineat : quicquam desiderari queat . **CONSTAN**
TIO enim Sfortie : Dux ille **SFORTIA** inuictissimus Mars ut
 aiunt alter : Et in quem iam referre Vt quondam in Iouem : aut
 aliquem deorum originem gloriosum est . Paternus uis fuit :
 ut attendolorum antiquissimam et nobilissimam gentem non re
 petamus altius Aut dacarum reges . Patruus **FRANCISCVS**
 Sfortia qui primus eius familie Mediolanensibus magna cum glo
 ria imperauit : Sue etatis singulare decus : Et de quo multa est
 licius tacere mea sententia : quam non dicere ad dignitatem .
FRANCISCO uero fratres fuerunt Leon . Bossius . Iohanes con
 radus prestantissimi fortissimique duces ut peculiari prope iam
 et hereditaria nimirum militaris prerogatiua ad hunc esse nostrum
 deferenda merito uideatur . Quod si maiorum imagines animu
 uehementissime possunt accendere ad uirtutem : Vt Cnspus Sa
 lustius . Q . Maximum : Et . P . Scipionem : et ciuitatis pre
 terea Romane preclaros uiros Solitos dicere audiuisse ait : cum
 earum ceras intuerentur : Quid de Sfortiadarum his imagini
 bus coniectandum erit ? Crescet profecto crescet Flama in pec
 tore immortalitatis : cum rerum ab illis gestarum memoria subi
 bit animus : Vt sperandum iam sit his studiis : atque artibus
 ista uirtute Atque exemplis : Non suorum modo eum esse no
 men laudemque assecuturum : Sed ad priscam quoque illam ho

noris magnitudinem uirtutisque admirationem propius tandem
 esse accessurum . Quod proculdubio sine commodis magnis uestris
 iam contingere haud ququam potest . De quibus tandem ut
 polliciti principio fuimus iam dicemus . Duplex autem uide-
 tur ex hac deliberatione uestra esse ad rem publicam uestram pro-
 uentura utilitas : Vt militie ; ut domi fructus ex ea amplissimos
 bellorumque et pacis pulcherrime percipiatis . Iam enim mi-
 litaris illi Sfortiana auita disciplina seuiore aliquo omnium pro-
 pe consensu censere et correctore eger . Multo enim conspicitur
 maior intra castra rerum omnium licentia ; quam bene institute
 militie conueniat . A qua quidem si diis placet iam nos habemus
 pro seueritate antiqua castrorum incontinentiam . Pro parcitate
 luxuriam . Pro abstinentia earum rerum que militum sunt com-
 missa fidei Rapinas edificiorumque incendia et direptiones Vasta-
 tionesque agrorum nostrorum atque socialium : Quibus quidem
 nihil est fere quod crudelius ab hostibus ; aut miserandius perti-
 mescendum ueniat . Mores sunt iam restituendi **CONSTAN-**
TII SFORTIA prisce Sfortiane militie . Ac precepta illius di-
 scipline auctore iam te ac duce renouanda . Quod uos sperare
 debetis profecto Florentini Si uerum id est ; quod uulgo ferunt
 Et philosophi comprobant et Plato . Tales et ipsos esse oportere
 qui reguntur : Vt eorum sunt principes . Iam uero altera
 huius loci pars euidentissima est . Diuiditur omnis uita Aristo-
 tele teste in Otium et Negotium : Bellumque et Pacem . Et
 Negotium quidem suscipimus propter otium : Bellum gerimus
 propter pacem : Vt inutili quoque quod propter honestum est e-
 uenire consuevit . Quid igitur decreuistis Florentini in pace ?
 Nempe quod ad tranquillitatem defendendam et pacem potissi-
 mum pertinet . Nam qui ita instructos / ita armatos intelligent
 efficiuntur proculdubio ad laceffendum Vimque inferendam atque
 iniuriam Tardiores . Illam uero multo poteritis propulsare fa-
 cilis : Et restituere aliena non uestra culpa : Si id quandoque ac-
 ciderit uiolatum otium et quietudinem constituere et pacem ciui-
 tatis . Siquidem cum fortis armatus custodit atrium suum :
 in pace sunt cuncta que possidet ; ut in sacrosancta euangelica doc-
 trina scriptum est . Vt hoc necessario decreto uestro : quo hunc
CONSTANVIVM Sfortiam Florentine militie administrato-
 rem constituistis et ducem : Non sapienter modo rei uestre pu-

blice dignitati et libertati : que uita quoque ipsa cariora esse bonis uiris debent : Sed summi etiam cum uulgate consulueritis

Quid profecto populus omnis florentinus ingenti cum spe conseruande perpetue tranquillitatis audissime accipiat : Et qui a uobis gubernantur : quos semper eodem que uos fortune manent : quanta esse letitia hoc nuntium excepturos paratis ? Socii quoque et foederati uestri : quorum etiam hic legatos sedentes laudantesque uideris : pro eorum ipsorum summa humanitate et sapientia non probabunt modo : Sed in commune etiam additum ad dignitatem atque potentiam iudicabunt : et societati ac foederi nostro iure optimo gratulabuntur . Quod igitur faustum est et felix et fortunatum sit / Capies iam dux Florentine militie militaria insignia Florentini populi . Accede hac iam Vexillarie . Tu uero dux cape iam cum bellatore equo : et picturatis liliatis faleris : Atque argentea galea liliata quadratum liliatum uexillum . Trade autem Vexillifer iustitie **ATTILI MEDICES** quadratum liliatum Vexillum bellorum insigne Florentini populi et tua augustissima manu inducis manum ac de more sancte deobsculor . Hoc hoc illud insigne est inuicta uirtute dux : quod feras in hostem . Quod sequantur milites tui . Quo conserues quietem ciuitatis : et tueare dignitatem .

Hoc illud est : quo tot clarissimi et gloriosissimi militie nostre duces Tot nobis uictorias / Tot Trophea / Tot triumphos pepere re : et constituta ac stabilita libertate nostra dedecorauerunt Florentinum nomen . Cipe uero Dux iam et militare sceptrum

Ades uero iam et tu sceptriger propius . Trade autem uexillifer iustitie e tua item manu in manum duos ex rudi inculto atque infabricato trunco more maiorum militare sceptrum . Quod facile seueritatis antike militie castitatisque admoneat . Cuius modi et **FRANCISCUS SFORTIA** patruus tuus gloria seculi huius : et alii fortissimi et felicissimi imperatoris nostri usi sunt . Quale quoque gestasse quondam Herculem Ioue natum crediderim : Et Bacchum : et Theseum : Et eorum quemlibet quos ob uirtutis admirationem inter heroas greci collocauerunt : Eiusmodi usum Scepro putauerim : Et Romulum : Et Pompilium : et Romanos omnes Reges Consules Item et Dictatores : et consulari potestate tribunos militares : et quot quot quocumque nomine militie Romane preuerunt : Donec sancta ea quidem atque

CH. incorrupta et inuoluta stetit : Ad ea usque tempora quibus ex
Asia . GN. Manlius Volso omni genere licentie corruptum in
Italiam exercitum Romanum reportauit . His tu ergo militari
bus imperatoriis insignibus Florentini populi que rite sic accepe
ris **CONSTANTI SFORTIA** Dux noster Volente deo no
stro optimo maximo Deo nostro uirtutum Deo uictoriarum bo
norumque omnium mortalium Celicolisque omnibus cum immor
talitate nominis tui Florentinam gentem : et belli quibusunque
ornamentis et pacis : quam cumulare : quam gloriose auctam de
coratamque efficies .

ANNO, D. M. CCCC. LXXXI, DIE, III. OTTOBRIS .





